

Ufficio Stampa della Provincia autonoma di Trento
Piazza Dante 15, 38122 Trento
Tel. 0461 494614 - Fax 0461 494615
uff.stampa@provincia.tn.it

COMUNICATO n. 465 del 05/03/2024

Traduzione in ladino

Scomenza l Pest Arge Alp 2024 su la दौरa sostegnibola de l'èga

[Ladino] La Comunità de lurier de la Regions da mont la se cruzia da spes del argument de la rersores idriches, soraldut anchecondì, ajache entravegn da spes gran sutes. Per didèr la jent enciasèda ti raions che fèsc pèrt de ARGE ALP a aer maor consaputa, Tessin – che chest an l à la presidenza – l à cernù apontin desche argument prinzipèl la endesfides conleèdes a la gestion de la rersores idriches.

L'edizion 2024 del Pest ARGE ALP, per chela che vegn dat fora pes per 12.000 euro, la sarà donca dedichèda al argument de la दौरa sostegnibola de l'èga. L obietif l é de meter al luster projec da fundament e de gran fazon tel chèder de la sensibilizacion en cont de na दौरa ascorta de la rersores idriches ti raions da mont. L é temp enscin al 1m de jugn che vegn per portèr dant i projec.

La proponetes che vegnarà conscidrà pel esser ativitèdes pissèdes da scoles, sociazions, privac, ma ence projec concrec metui a jir dal mond economich (firmes o “start up”) e istituzionèl (Comuns, Zità, Consorziés e etres enc). Anter i projec porté dant vegnarà cernù fora timpruma i finalis de na sezion locala, che dapodò i desvalives teritories i portarà dant a na juria internazionèla. Chesta la cernarà i trei projec miores e la ge dajarà fora l pest ai 25 de otober del 2024, en ocajian de la Conferenza di Capi de Goern ARGE ALP che la vegnarà fata te Tessin. Ence l Trentin, donca, l vegn tout ite te la desvaliva fases del recognosciment internazionèl, che l perveit 6.000 euro per l prum pest, 4.000 euro per l secont e 2.000 euro per l terz.

Arge Alp l é na Comunità de lurier metuda en esser ai 12 de otober del 1972 a Mösern, tel Tirol, col obietif de ge fèr front e sostegnir bessegnes coletives e che la tol ite 26 milions de persones. Membres de Arge Alp l é la Germania col Stat Ledech de Bayern, l'Austria coi Länder Vorarlberg, Tirol e Salzburg, la Tèlia co la Provinziés autonomes de Busan e Trent e la Region Lombardia, la Svizra coi Ciantons Grischun, Son Gagl e Tessin.

L avis de concors e l formulèr per tor pèrt i é a la leta sul sit: <https://www.argealp.org/it> .

Traduzion di Servijes Linguistics e Culturèi del Comun general de Fascia

(cdt)